

PSB - Bahagian Arkib

From: UUM CORPORATE COMM.
Sent: Thursday, 12 December, 2019 9:34 AM
To: UUM - All Staff; UUM - All Students
Subject: Berjaya Atau Gagal Anak-Anak Berpunca Daripada Ibu Bapa



UUM Corporate Comm.
Universiti Utara Malaysia

12 DISEMBER 2019 / 15 RABIULAKHIR 1441H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: Jawatankuasa Perumahan Kakitangan Universiti (JKPK)

BERJAYA ATAU GAGAL ANAK-ANAK BERPUNCA DARIPADA IBU BAPA



UUM ONLINE: Setiap anak yang dilahirkan umpama kain putih, ibu bapalah yang bertanggungjawab mewarnakan dan mencorakkannya, sama ada menjadi Yahudi, Nasrani dan Majusi.

Ketua Penolong Pendaftar Kanan, Jabatan Pendaftar, Mohd Zulkifli Mohd Noor berkata, berjaya atau tidak seseorang anak itu berpunca daripada hasil didikan ibu bapa.

“Buat ibu bapa dan keluarga yang hadir pada hari ini, saya ingin berkongsi pengalaman sebagai bapa, apa yang penting ialah pengurusan masa yang merupakan sesuatu yang sangat utama.

“Saya memang tidak bertoleransi dengan masa, itu yang saya praktikkan dalam kehidupan keluarga contohnya untuk ke mana-mana janji pukul 8, pukul 8 saya akan bergerak, kalau anak-anak lambat saya akan tinggal. Perkara ini diabadikan oleh Allah dalam al-Quran, surah al A’sr.

“Itulah perkara yang menjadi titik tolak kepada pengurusan masa seharian kerana jika tidak diurus dengan baik akan menjejaskan kerja-kerja yang lain,” kongsinya ketika merasmikan Kem Ibadah Sempena Cuti Sekolah Tahun 2019 anjuran Jawatankuasa Perumahan Kakitangan Universiti (JKPK), di bawah Jabatan Pendaftar.

Selain itu katanya, semua menyayangi ibu ayah yang telah bersusah payah membesarkan kita. Untuk memastikan kita boleh membantu mak ayah mendapat ganjaran pahala sebanyak-banyaknya bagaimana caranya?

“Setiap hari 5 kali sehari kita dengar azan yang menyebut Allah maha besar, bermakna kita mengakui bahawasanya tiada tuhan yang disembah melainkan Allah dan Nabi Muhammad itu pesuruh Allah, jadi buat apa yang Allah suruh dan meninggalkan apa yang Allah larang barulah datang ayat marilah menuju kejayaan.

“Bagaimana nak berjaya? Buat semua yang disebutkan dalam azan, pastikan sembahyang cukup lima waktu, anak lelaki ikut ayah berjemaah di surau atau masjid manakala anak perempuan berjemaah di rumah.

“Sebenarnya anak-anaklah generasi yang akan mewarisi ibu ayah, begitu juga UUM kita akan meninggal maka anak-anak yang akan menjadi staf dan pensyarah di sini kalau tidak belajar bersungguh-sungguh siapa yang akan uruskan UUM nanti?

“Belajarlah bersungguh-sungguh, dengar cakap ibu ayah, taat perintah Allah insya-Allah kita akan memperoleh kejayaan di dunia mahupun akhirat,” luahnya, semalam.

Pengerusi JKPK, Dr. Shahrizal Badlishah menyifatkan kem yang dilaksanakan pada musim cuti sekolah ini tepat pada masanya untuk mengisi masa lapang anak-anak dengan perkara yang bermanfaat.

Beliau mengucapkan setinggi-tinggi penghargaan kepada Jabatan Pendaftar dan semua pihak atas kerjasama yang diberikan dalam menjayakan program ini.

Sementara itu, Pengarah Kem Ibadah, Mohd Firdaus Salleh berkata, kem ini memberi kesedaran dan pengetahuan kepada peserta tentang pentingnya memahami konsep ibadah dengan betul sejak kecil.

Jelasnya, kem ini turut memberi peluang kepada ibu bapa untuk menyedari dan mengenal pasti kelemahan dan kekuatan yang ada dalam diri anak-anak ketika menjalani kehidupan seharian.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.